

AEK. Deklarazioak Garzonen aurrean

AEKren autoan inputatu beste hiru lagunek deklaratu dute

Epaileak ez zuen haien kontra neurririk hartu

Erredakzioa | DONOSTIA

Baltasar Garzon epaileak AEKren kontrako autoan inputatutako beste hiru lagunek deklaratu zuten, atzo, Madrilgo Entzutegi Nazionalan. Gotzon Hermosilla AEK-ko kideari eta Itziar Goienetxea eta Maria Victoria Armendariz koordinakundeko kide ohiei talde armatuari laguntza ematea inputatzen zien Garzon epaileak.

Deklarazioak laburrak izan ziren; lehena 10:00 pasatxo sartu zen eta 12:00 inguruan guztiak kanpoan zeuden. Hermosilla, Armendariz eta Goienetxeak ukatu egin zituzten Garzonek egindako akusazio guztiak; eta ez eurek eta ez AEK-k ETArekin ez dutela inoiz inolako harremanik izan adierazi zioten, eta nabarmendu zuten AEK-k egin duen lan bakarra euskara irakastea dela. Aurretik deklaratu duten beste 11 lagunen kasuan gertatu bezala, deklaratu ostean Garzonek etxera joan zitezkeela esan zien, eta ez zuen haien kontra neurririk hartu.

Aipatu Enrique Molina fiskala ez zela deklarazioetan egon, eta gero neurririk ez hartzea eskatu zuela. Jone Goirizelaia abokatuaren arabera, horrek «berriro ere argi uzten du» akusazioak oinarri gabeak direla eta prozesu guztia euskararen kontrako eraso bat dela.

Gogoratu Garzonek 19 lagun inputatu zituela, eta dagoeneko haietako 14 izan direla Entzutegi Nazionalaren deklaritzen. Hurrengoek — Juan Mari Larrarte, Elena Etxalar, Xabier Ugalde, Iñaki Lasa eta Olaiz Arkotxa — hilaren 22an joan behar dute Madrilera. Horiek deklaratu ostean hartuko du Garzonek behin betiko erabakia.

Mobilizazioak eta deialdia

AEK-ko kideek Madril deklaratzen zutela-eta, Hego Euskal Herrian mobilizazioak antolatu zituzten *AEK aurrera, euskara aurrera* lelopean. Mobilizazioak goiz eta arratsalde izan ziren, hiriburu zein herrietan. Gasteizen, Bilbon eta Donostian goizez eta arratsaldez egin ziren kontzentrazio eta giza-kateak, eta gainontzeko herri gehiene-

tan arratsaldeko 19:00 eta 20:30ean bitartean egin zituzten kontzentrazioak. Nafarroari dagokionean, Iruñean ez zen mobilizaziorik antolatu, eta Uharten Elkartasun Jaia ospatu zuten gauean.

EH. ETArek aurkako Ibarretxeren ekitaldia salatu nahi dute

EHk ekitaldia antolatu du Gernikan burujabetzaren alde, asteazkenerako

Erredakzioa | DONOSTIA

Euskal Herria aurrera, burujabetza eta bakea lelopean ekitaldi politikoa egingo du Gernikan datorren asteazkenean, abenduaren 20an, EHk. Ekitaldia, goizeko 11:00etan hasiko da Gernikako Auditoriumean. Egun berean, ETArek aurkako ekitaldia antolatu du Gernikan Juan Jose Ibarretxe EAEko lehendakariak.


EHren aburuz, bi jomugari aurre egin nahi die ekitaldiak. «Aurrenekoa, Euskal Herria-

rentzat burujabetzaren esparru berri baten beharra bul-tzatzea, Frantziak eta Espainiak urratzen dituzten eskubide politikoa zein zibilek tokia izan dezaten». Horrela, banan-banan ziurtatu ahalko dira Euskal Herriari dagozkion eskubide guztiak: euskararen ofizialtasuna, hezkuntza sistema propioa eta demokrazian eta bakean etorkizuna erabakitzeak instituzio nazional eta subiranoak izatea.

EHk gaineratu zuenez,

«egun eta leku berean, Ibarretxek deituriko iruzurrezko apustua salatzea da gure ekitaldiaren bigarren helburua. Ibarretxe eta EAJ ere, euren praktikarekin, egungo egoera politikoa erantzule dira. Espainiako Konstituzioan eta Estatutuan oinarritzen den ildo antidemokratikoari tinko heldu, eta irtenbideei eta apustu subiranoei bizkarra ematen diete biek».

Konstituzioan eta Estatutuan oinarritutako esparru antidemokratikoaren eta Europako herri libreen artean, Euskal Herri libre bat ziurtatuko duen esparru burujabetzaren artean aukeratzeko beharra defendituko dute EHkoek, Gernikan.



Kontuan izan beti kontsumitzaile gisa dagozkizun eskubideak



Datozen egunotan gure kontsumoa ahalik eta zentzuzkoen izan dadin, kontsumitzaile gisa dagozkizun oinarriko eskubideei buruzko hainbat aholku eta informazio baliagarri argitaratzeari ekin diogu, hain zuzen ere, Gabonetako erosketei, jostailu eta beherapenei buruzkoak. Informazio hau gordetzea gomendatzen dizugu.

Errealitatean, denok gara kontsumitzaile, hain zuzen ere, produktu edo zerbitzuren bat erabili edo gozatzaren dugunean, beti ere azken hartzaileak garenean. Kontsumitzaileak, gure eskubideak jakin eta gogoratu behar ditugu beti. Euskal Autonomia Erkidegoan, kontsumitzaile eta erabiltzaileen oinarriko eskubideak bi legetan jasota daude: Eusko Legebiltzarrak onetsitako Kontsumitzaileen Estatutuari buruzko Legean eta Gorte Nagusiek onetsitako Kontsumitzaile eta Erabiltzaileen Defentsarako Lege Orokorrean.

Lehen urratsak

Kontsumitzaile garen aldetik, eta produktu bat erosi edo zerbitzu bat erabili baino lehen, dagozkigun eskubide eta betebeharrak ondo inforaturik egotea da garrantzitsua.

Aurreikuspena ere, kontsumoari aurre egiteko era onuragarria da, eta horregatik oso gomendagarria da aurrekontu idatzia, behar bezala xehatuta, eskatzea hala dagokionean. Beti eskatu behar dugu erosketaren agiria edo faktura eta bermea, hala badagokio. Frogagiri hauek nahitaezkoak izan daitezke erreklamazioa edo itzultzea izanez gero.

Baita ere oso garrantzitsua da produktuaren edo dendaaren publizitatea gordetzea, agiri hauek ere, erreklamatzeko orduan garrantzitsuak izan daitezke eta. Edozein arazo izanez gero, erosketa egin dugun dendan bertan erreklamazioa aurkeztea da biderik egokiena. Behar bezalako erantzuna jasotzen ez badugu, kexaren frogia idatzia uztea komeni da. Hortik aurrera, zenbait aukera ditugu gure eskubideen erreklamazioa bideratzeko.

KIUB-ak erabili

Kontsumitzaileen Informaziorako Udal Bulegoak dituzte. Erakunde hauek, hiritar guztioi doako zerbitzua eskaintzen digu, hain zuzen ere, kontsumoari buruzko aholkularitza eta informazioa eta eskubide hauek kasuaren arabera behar bezala erabiltzeko argibideak.

Zalantzarik edo erreklamaziorik izanez gero, jo zure KIUB-ra.

Kontsumitzaileen Elkartek Erabili

Erakunde hauek pribatuak dira eta KIUB-ek duten funtzio berbera dute.

Zure erreklamazioa elkarre hauek bideratzeko elkarrearen bazkide izan beharko duzu, eta horrela elkarrearen jardueretan parte hartu ahal izatez gain, argibideak eta aldizkariak jasoko dituzu.

Kontsumitzaileen eskubideen defentsan duten eskarmentu eta ezagutza direla eta oso gomendagarria da Euskadin dauden elkarre hauek baten bazkide izatea.

Lurraldeetako Kontsumo Ordezkaritzak
Eusko Jaurilaritzak, Araban, Bizkaian eta Gipuzkoan

dituen Industri, Merkataritza eta Turismo Sailaren Ordezkaritzetara joateko aukera duzu, zure eskeari erantzun egokia aurkituko duzu bertan.

Kontsumitzaileen Arreta Telefonora deitu:

900 600 500

Kontsumitzaileen Arreta Telefonoa da argibidetarako biderik zuzenena. Doako deia egin ahal izango dituzu: 900 600 500 telefonoan. Zerbitzu hau ondoan azaltzen den bezala erabiltzen da:

• Kontsumitzaileen deia jaso

ondoren aztertu eginen da. Posible denean, arazoa berehala konpondu egingo da.

• Deian azaltzen den arazoa konplexua denean eta ondoren tramitazioa beharrezkoa denean, kontsumitzailearengandik gertuen edo honek nahiago duen kontsumitzaileen arretarako zerbitzu batera bidaltzen da arazoa.

Zerbitzu honek kontsumitzaile eta erabiltzaileen arreta zerbitzuen sarea koordinatzen du, eta sare horren barne daude KIUB-ak, Kontsumitzaileen

Elkartek eta Eusko Jaurilaritzako Industri, Merkataritza eta Turismo Sailaren Lurraldeetako Ordezkaritzak.

Interneten ere bai:

www.euskadi.net/consumo

Eusko Jaurilaritzako Kontsumorako web guneak eguneratutako informazio erabilgarria jartzen du euskal kontsumitzaileen esku.

Gaurkotatuzko berriak, arbitrai eta kontsumo zerbitzuak, euro-behatokia, argibideak eta agerkariak, elkarrean, KIUB-en eta Lurralde Ordezkaritzaren helbideak eta telefonoak, eta jakina, kontsultak eta erreklamazioak egiteko bideak.

Hauek dira zure eskubideak

Erosten duzunean, kontutan eduki zure ondoko oinarriko eskubideak:

Zure osasuna eta segurtasuna babesteko eskubidea daukazu

Funtsezko gauza da: erosten ditugun edo erabiltzen ditugun zerbitzuak ezin dira arriskuak izan.

Zure ekonomi eta gizarte-interesak babesteko eskubidea daukazu

Produktuen eskaintza, sustapena eta publizitatea ezin dira gezurrezkoak ala engainagarriak izan, eta kontratuen klausulak argiak izan behar dira; ez dira neurri-gabekoak izan behar eta alderdien bidezko oreka ezarri behar dute.

Informazio zuzenerako eskubidea daukazu

Kontsumitzaileok, eskaintzen zaizkigun produktu edo zerbitzuen benetako ezaugarriak, hain zuzen ere etiketa, ontzi, publizitate, aurrekontuen bidezkoak, behar bezala ezagutzeko eskubidea dugu.

Kontsumoaren gaian hezi eta prestatzeko eskubidea duzu

Kontsumo-kultura egokia edukitzeak, kontsumoari buruzko prestakuntza egokia izatea dakar, eta askatasun eta arrazionaltasun handiagoa erostetarako.

Ordezkaritza, kontsulta eta partaidetzarako eskubidea daukazu

Kontsumitzaileen elkarre bateko partaide izateak eskubide hau garatzeko aukera ematen ditu.

Babeserako eskubidea daukazu, gutxiagotasun, menpekotasun edo babesgabetasun egoeretan

Kontsumitzaileen ahultasun egoerak ezabatzeko edo apaltzeko neurriak hartuz.

Jasandako kalte-galeren ordainketarako eskubidea daukazu

Kontsumitzaile gisa jasan ditzakegun kalte-galeren ordainketa jasotzeko eskubidea dugu.